

THE FIRST EPISTLE GENERAL OF PETER

1 ¹Shíí Peter, Jesus Christ binal'a'á nshlíni, n̄ee nanidí' daanlįigo iłts'ą'yú Póntus, Galátia, Cappadócia, Asia, ła'íí Bithýnia daagolzeeyú odaagohele'ihíí bich'į' k'e'eshchii, ²Nohwíí, Bik'ehgo'ihí'nań nohwíTaa dabíntsé nohwídaagołsįgo hanohwiheznil, ła'íí Holy Spirit hadaanohwidezlaago, Jesus Christ bikísk'eh ádaanoht'eego, ła'íí bidil bee nohwik'ý daidilta' doleełgo hanohwiheznil: Bik'ehgo'ihí'nań biłgoch'oba'íí ła'íí bits'ą'dí' ilch'į'gont'ééhíí dayúwehégo bee nohwá ígohigháh le'. ³Bik'ehgo'ihí'nań, Jesus Christ nohweBik'ehń biTaa, ba'ihégoł le', án biłgoch'oba'íí an'odaazliiníí bee Jesus Christ daztsąądí' naadiidzaahíí biláhyú ánídégo nádaagosiidliį, ák'ehgo yaaká'yú gózhóóníí ndaahóndliihíí doo nohwits'ą' bech'ígowáh dago biká daadéet'įih. ⁴Bik'ehgo'ihí'nań bits'ą'dí' daanohwíyéé doleeł, doo da'ílíí hileeh dahi, doo hichqoh dahi, doo bech'ígonáh dahi, yaaká'yú nohwá nano'níí, ⁵Nohwi'odla' golíłhíí bighą Bik'ehgo'ihí'nań binawod bee nłt'éégo nohwińádéz'į, hasdáhiikáhíí ąął łalzaazhį', áí nohwá ilch'į'ılzaago nnágođzaago ch'í'nah ádolniił. ⁶Áí bighą, k'adíí déł'ihézhį' iltah at'éégo nanohwi'dintaahgo nohwiniidaagonłt'éé lęk'e ndi dážhó nohwil daagozhóq: ⁷Nanohwi'dintaahíí bee nohwí'odla' nđzil shįhíí nabí'dintaah; óodo kq' bee bitádil'eeł, óodo da'ílíí hileeh, áídá' nohwí'odla'íí óodo bitisgo ilį; ák'ehgo nohwí'odla' nđzil bígóziyúgo, Jesus Christ nádzáágo nohwa'ihéndzįgo, daanohwidnłsįgo, ła'íí nohwits'ą'idindláád doleeł: ⁸Christ doo hwahá daahołtséh da ndi nohwil daanzhóq; k'adíí án doo daah'įí da ndi daahohđlaągo nohwil daagozhóq, nohwil gozhóóníí doo hagot'éégo baa na'goni' dago yaaká'yú idindláádíí k'a'at'éé: ⁹Dayúweh nohwí'odla' bee nasozįyúgo nohwiyi'siziiníí hasdakáh. ¹⁰Áí hasdách'igháhíí bee Bik'ehgo'ihí'nań nohwaa ch'oba' doleełí, dabíí binkááyú nada'iziidi n'íí yaa nadaagosni'; áí hasdách'igháhíí yiká na'ódaadiłkid, ła'íí dážhó yídaagołsįh hádaat'įigo nadaayiłkaah

lèk'e: ¹¹ Bik'ehgo'ihì'nań binkááyú nada'iziidi n'íí Christ biSpirit daayigoyilíni dabíntséda' Christ biniigodilne'íí yaa nagosni', la'íí bikédí'go bits'á'idindláadíí áldó' yaa nagosni', ák'ehgo hagot'éégo ágodoniíí, la'íí da'os'ah ágodoniíí yiká na'ódaadiłkid lèk'e. ¹² Holy Spirit yaa nagosni' n'íí, doo áí goldohíí biyi' áńagot'íił da doleelgo, áídá' díí goldohíí biyi' ágone' doleelgo Bik'ehgo'ihì'nań binkááyú nada'iziidi n'íí bich'í' ch'í'nah ágolzaa, ák'ehgo k'adíí da'ái bee nohwił na'goni', nnee Holy Spirit yaaká'dí' nkenł'a'íí biláhyú yati' baa gozhóni yee nohwich'í' yádaałtí'í, da'ái yee nohwił nanádaagolni', áí Bik'ehgo'ihì'nań binal'a'á yaaká'yú daagolíníí yídaagołsijhgo hádaat'íi. ¹³ Áí bighą nohwiini' ładaahłe', ídaa daagonohdzaą le', Jesus Christ nádzáágo Bik'ehgo'ihì'nań biłgoch'oba'íí nohwiyéé doleelíí dąngont'i'zhj' ndaahołíí; ¹⁴ Chągháshé da'dits'agú k'ehgo ádaanoht'ee le', Bik'ehgo'ihì'nań doo hwahá bídaagonołsijh dadá' ncho'íí zhá hádaht'íi n'íí doo dayúweh be'ádaanoht'ee da le': ¹⁵ Áídá' Bik'ehgo'ihì'nań, nohwich'í' áńniídíí, godilzjhg at'ééhíí k'ehgo nohwíí áldó' nohwi'at'e'íí dawa bee daagodinołsij le'; ¹⁶ Gáníigo bek'e'eshchijhíí bighą, Shíí dilzinihíí nshłj; ák'ehgo nohwíí áldó' daagodinołsij le'. ¹⁷ Bik'ehgo'ihì'nań doo hadín yik'izhj' at'éégo da, nnee daantíígee hagot'éégo ádáat'íidíí yee yándaago'a, áń nohwiTaa daabiłdohniigo nádaahohkaąhyú bédaaldzidgo daadinołsij le', ni'gosdzán biká' daagonohłjídá'. ¹⁸ Díí bídaagonołsij le', doo áńídá' daanoht'ee n'íí bi'at'e' nohwił ch'ídaiz'ąą n'íí doo nt'é da, áídá' áí biyi'dí' nanánohwi'diheznj, Beshłigai la'íí ódo da'íí hileehi doo bee nanánohwi'diheznj da; ¹⁹ Áídá' Christ bidíł łán ílíní bee, áń dibelłj bizhaazhé doo baa dahgoz'áni da, doo hayú baa daats'idilłił dahíí k'a'at'éégo nłj; ²⁰ Áń ni'gosdzán doo hwahá nnit'aa dadá' habi'doltj, ák'ehgo da'ík'é'yú ngonyáágee nohwá ch'í'nah alzaa, ²¹ Christ biláhyú Bik'ehgo'ihì'nań daahohłłą; Christ daztsąqdí' Bik'ehgo'ihì'nań naadiidzaago ábíłaa, la'íí bee bits'á'idindláadíí baidin'ąą, ák'ehgo Bik'ehgo'ihì'nań daahohłłągo bits'á'dí' nłt'ééhíí ndaahołíí doleel. ²² Doo daazhógo da, áídá' da'aniigo nohwił'isyú nohwił daanzhoq doleelgo Holy Spirit biláhyú da'anii ágot'eehíí bikísk'eh ádaanoht'eehíí bee nohwiyi'siziiníí nzhogo ádaahłaa, ák'ehgo nohwííídí' dązhó łł daanoht'ee le': ²³ Da'íí hileehi doo bee áńídégo nádaagosohłj da, áídá' doo da'íí hileeh dahi bee nádaagosohłj, Bik'ehgo'ihì'nań biyati' hińáhi la'íí dahazhí' begoldohi bee nádaagosohłj. ²⁴ Nnee dawa ł'oh k'ehgo ádaat'ee, la'íí nnee zhińégo ízigo ágot'eehíí ch'il dąnzhońéhíí k'ehgo ádaat'ee. ł'ohíí daaniłné, la'íí ch'il dąnzhońéhíí n'íí nanihidéh: ²⁵ Áídá' nohweBik'ehń biyati' dahazhí' begoldohi at'éé. Díí yati'íí bee nohwich'í' yáná'itihíí, yati' baa gozhóni at'éé.

2 ¹ Da'oh'ni'íí, nadaahch'aahíí, nzhóni ádaado'íiníí, la' bíyééhíí ídáhádaht'íiníí, la'íí ncho'go yádaałt'íí dawa k'ihzhj' ndaagodinoh'aahgo, ² Mé' áńí gołlíni ibe' yídijh daanłjłhíí k'ehgo, Bik'ehgo'ihì'nań biyati', ibe' nłt'éhi, bíđj daanoht'ee, bee daanołseel

doleethíí bighą: ³NohweBik'ehń biłgoch'oba'íi ilk'idá' daasoliłgo. ⁴Áń bich'í' nnohkáh, áń tséé hįnaahíi k'ehgo nlii, nnee doo hádaabit'ii da ndi lán ílįįgo Bik'ehgo'ihį'nań habiłtįi. ⁵Nohwíi áldó' tséé hįnáhi daanołhįi'hií k'ehgo kįh godiyini doo hit'ii dahíi nohwee ágólne', okąąh yedaabik'ehíi daadilzini daahłeehgo, Bik'ehgo'ihį'nań baa hi'niłhíi k'ehba'ihédaansįigo daahohkąąh, ái Jesus Christ biláhyú Bik'ehgo'ihį'nań bił dábik'eh. ⁶Bik'ehgo'ihį'nań biyati' bek'e'shchiinií biyi' gáníi, Isąą, **Siongee** hágon'ąągee tséé dantsé s'aańi nnish'aah, lán ílįįgo haltíni, ái tséehíi **Christ** nlii: áik'ehgo dahadńń bosdłąđi doo hant'é yik'e ídaayándzi da doleeł, nii. ⁷Ái bighą áń daahohdlaanıi nohwich'í' lán ílįi: áidá' doo da'odłąą dahíi bich'įgo tséé kįh ádaagole'íi yó'odaisne' n'íi hágon'ąągee dantsé s'aańi silįi, ⁸Doo da'odłąą dahíi yséé bighą nach'igeehíi, tséé ts'iztałgo nach'ikaadíi silįi, Bik'ehgo'ihį'nań biyati' doo daach'idits'ag dahíi bighą nach'iniidéh; díi yee bąngon'ąąhi ádaach'it'ee. ⁹Áidá' Bik'ehgo'ihį'nań, godiłhildí' dabíi bits'ąđi' díyat'éego idindłáádzhi' nohwiká ánniidíi, ízigo ye'at'éehíi ch'į'nah ádaanołsi doleełhíi bighą nohwíi daafinolt'iiłhíi hanohwi'dihesnlihi ádaanoht'ee; nadaant'án okąąh yedaabik'ehíi daanołhįi, nohwinant'a' dała'áhíi daanołhįigo daagodinołsini, Bik'ehgo'ihį'nań bíyéé daanołhįi: ¹⁰Lahn doo Bik'ehgo'ihį'nań bíyéehíi daanołhįi da, n'íi k'adíi bíyéé daanołhįi: lahn Bik'ehgo'ihį'nań doo nohwaa ch'oba' da, n'íi k'adíi nohwaa ch'oba'. ¹¹Shił daanołshóni, díi ni'gosdzán biká'zhi' nanid' nakaihíi la'íi déł'ihézhį' kú nakaihíi k'ehgo daanołhįigo, nádaanołwoshkąąh, nohwits'í bich'í' zhińéego ncho'įi zhą hádaaht'iiníi bits'ą'zhi' ádaanoht'ee, nohwijíi yune' nł'éhilií ncho'íi bich'í' nagonłkaad; ¹²Doo Jews daanlii dahíi binadzahgee nohwi'at'e' nł'éego ádaanołsi: áik'ehgo doo bik'ehyú ánadaaht'iił da, daanįigo nohwída'iltah ndi nł'éego ánadaaht'iiłi daayo'įigo Bik'ehgo'ihį'nań ya'ihédaanzı doleeł, áń baa nyááhíi bijii. ¹³NohweBik'ehń bíyéé daanołhįi'hií bighą nnee yenagos'aanıi dawa bikísk'eh ádaanoht'ee: ízigo nant'án, áń ízigo at'éhi nliigo daadohts'ag; ¹⁴Nant'ánchań daanliinií áldó' daadohts'ag, ái doo bik'ehyú ánadaat'iił dahíi biniidaagodilne'go, la'íi dábik'ehyú ánadaat'iiłi nł'éego ánadaaht'iił daayiłniigo ízigo nant'án nohwich'í' yi'aa. ¹⁵Díi Bik'ehgo'ihį'nań nohwá hát'ii, dábik'ehyú ádaaht'iiníi bee nnee doo daagoyąą dahíi, nt'é yaa yadaałt'íi doo yidaagołsi dahíi, doo nt'é daanįi dago ádaahłe': ¹⁶Jews bich'í' begoz'aanıi doo dayúweh bi'isna' daanołhįi da; da'ágát'éé ndi dawa nohwá bił ch'į'otaąhíi doo nohwincho'íi bił yaa nadaasołtsooz da, áidá' Bik'ehgo'ihį'nań bánada'ohsiidíi daanołhįigo daahinołnaa. ¹⁷Nnee dawa daadinołsi le'. Odlą' bee nohwik'isyú daanliinií nohwił daanzhoq le'. Bik'ehgo'ihį'nań daadinołsiigo bédaałdzid le'. Ízigo nant'anhíi daadinołsi le'. ¹⁸Nada'ohsiidíi, nohwinant'a' daanliinií dawa bee daadinołsiigo daadohts'ag; daanzhooníi la'íi doo hago ádaat'ii dahíi doo ái zhą da, áidá' hadaashkeehíi áldó' daadohts'ag. ¹⁹Bik'ehgo'ihį'nań binadzahgee nł'éego ách'ídzaago ídégoch'ilziyúgo, áidá' doo ncho'go ách'ídzaa da ndi koniigodilne'go nye'i ch'idits'ago bidag ách'ít'éeyúgo, Bik'ehgo'ihį'nań binadzahgee

dábik'ehyú ách'ít'ée. ²⁰Nchọ'go ádaahdzaahíí bighą nohwiniigodelzaahíí bidag ádaanoht'eyúgo, ya' áí Bik'ehgo'ihí'nań bił nzhqo nee? Dah. Áídá' dábik'ehyú ádaaht'íí ndi nohwiniigodelzaago bidag ádaanoht'eyúgohíí, áí Bik'ehgo'ihí'nań bił nzhqo. ²¹Ágát'éeego nohwiniidaagont'éeéhíí bighą Bik'ehgo'ihí'nań nohwich'í' ánniid: Christ nohwá biniigodelzaa, áík'ehgo shedaanoht'ee le', nohwiłnii: ²²Áń doo nchọ'go adzaa da, nach'aago yá'ti'tíí doo bizé'dí' diits'ag da: ²³Áń nnee yati' bee daabokáał ndi bíí doo t'ąązhi' yati' yee okáał da: áń biniigodelzaa ndi goyéego nohwich'í' godish'aah doo nii da; ndihíí Bik'ehgo'ihí'nań dábik'ehgo aayałti'ihíí yaa ídet'ąą lęk'e: ²⁴Áń nohwinchọ'íí dabíí bits'í ída'ąyiidlaago tsj'ılna'áhi yiká' daztsąą, néé nohwinchọ'íí bich'í' dasiitsąądá' dábik'ehyú ágot'eehíí bich'í' daahin'naa doleehíí bighą: nohwá habi'doltsazíí bighą nohwinchọ'íí bits'ą'zhi' nádaahdzii. ²⁵Dibefíí ch'a'onalsąąhíí k'ehgo ádaanoht'ee ni; k'adıí t'ąązhi' dibefíí Nanyoodihíí baa nánohkai, áń Christ nłiigo nohwiyi'siziiníí Yinádéz'iiníí nłií.

3 ¹Da'ágát'éeego isdzáné daanoht'íni, nohwiką daadohts'ag; áík'ehgo Bik'ehgo'ihí'nań biyati' doo yikísk'eh ádaat'ee dayúgo, doo nt'é daabiłdohńii da ndi, nt'éeego ádaanoht'eehíí bee da'odłąą daaleehgo daahonołbiłh dolee; ²Nłt'éeego ánádaaht'íiłgo ła'íí Bik'ehgo'ihí'nań daadinolsigo daayo'íihíí bighą da'odłąą daaleeh. ³Doo nohwiká'yú zhą ídaadołzhqo da, daazhógo nel'íihíí bighą doo nohwitsizil iltah at'éeego daashbizh da le', ła'íí dawahá ódo ádaaszaahíí doo nohwaa dahnazńilgo da, ła'íí diyágé łań ílíníí doo nohwik'isilaago da: ⁴Áídá' nohwijíí yune' nłt'éeego ágot'eehíí bee dénzhonégo ádaahte', nohwijíí yune' isht'edaagodnt'éeego, ła'íí dant'éheego be'ádaanoht'eeego, áí be'ídaadołzhooníí doo da'ílíí daaleeh dahi, ła'íí Bik'ehgo'ihí'nań binadzahgee łań ílíní. ⁵Da'ágát'éeego doo ánídá' isdzáné daagodnłsiníí Bik'ehgo'ihí'nań yaa da'ohíihíí ídaadilzhqo lęk'e, biką daidits'ago: ⁶Sarah ágát'éeego Abraham yidits'ag lęk'e, shinant'a' yihńiigo: da'osodłąądhíí bighą áń bich'eke'yú k'ehgo daasolijí, nłt'éeego ádaanoht'eyúgo, ła'íí doo nt'é bik'e nadaalyiz dayúgo. ⁷Da'ágát'éeego nnee daanoht'íni, nohwi'aa baa natsídaahkeesgo bił daagonohłijí, bits'í doo nłdzil dahíí bighą daadinolsj, Bik'ehgo'ihí'nań biłgoch'oba'íí nohwi'ihí'na' nohwá ágołsiníí da'ánohła nohwíyéeéhíí bighą; áík'ehgo da'ohkąąhgee doo nohwich'í' nagont'og da. ⁸Da'iké'yú goz'aaníí, daanohwigha nohwinatsekees dała'á ádaanołsj, łaa daach'ohba' le', odlą' bee íłk'isyú daanoht'ijigo íł daanołjgo le', nohwijíí d'í' nohwił daagoch'oba' le', k'édaanołsj le': ⁹Ła' doo bik'ehyú ádaanołwizlaa dayúgo doo iké'déna' ágánádaahdle' da, daanołwóch'iid lęk'eyúgo doo t'ąązhi' daahóhch'iid da: áídá' gozhóóníí bá hádaaht'íí; d'íí bighą Bik'ehgo'ihí'nań nohwich'í' ánniid bídaagonłsj, ła'íí áí bee gozhóóníí nohwíyéeé doleeł. ¹⁰Hadíń ihí'ná bił nzhooníí, ła'íí nłt'éeego bíyołkaał hat'íiníí, áń doo nchọ'go yakti' da le', doo lé'ılchoo da le': ¹¹Áń nchọ'íí yits'ą'zhi' anne'go nłt'éeéhíí ye'at'íí le'; íłch'í'gont'éeéhíí yiká hát'íiigo nłdzilgo yikádéz'íí le'. ¹²NohweBik'ehń nnee dábik'ehyú ádaat'eehíí

yik'idéz'íí, áí bi'okaqahíí yíyést'saa: áídá' nnee doo bik'ehyú ánádaat'ííł dahíí yits'á'zhí'go dahnot'aal. ¹³Nlt'éégo ádaanoht'eedá, hadínshá' nohwińí'dińńh' ¹⁴Dánzhqoogo zhá ágot'eehíí bighá nohwiniidaagonłt'éé ndi, nohwá gózhqó doo: nnee nohwik'edaanńihíí doo bédaaldzid da, doo nohwıl nadaagont'og da le'; ¹⁵Áídá' nohweBik'ehń, Bik'ehgo'ihí'nań nłjigo, nohwijíí yune' daadinołsı le': nlt'ééhíí nohwádıhyú goz'aaníí nohwijíí biyi' yune' nda'olıńhíí nnee ła' yighá nanohwídıłkidyúgo, hagog'éégo bich'ı' hahdziihíí t'ah bıntsé bídaagonołsı le', tãdého ła'ıí daadinołsıgo baa nadaagołńi' le'. ¹⁶Nlt'éégo ánádaaht'ííłgo ídédagososııdgo, Christ biláhyú nohwı'at'e' nlt'éé ndi léda'ılchoogo nch'go ánádaat'ííł daanohwılńiihíí ídaa yádaandzı doleeł. ¹⁷Bik'ehgo'ihí'nań bik'ehgoyúgo nlt'éégo ánádaaht'ííł ndi nohwiniidaagonłt'ééhíí dávik'eh, áídá' nch'go ánádaaht'ííł zhin'ééhíí bighá nohwiniidaagonłt'ééyúgohíí doo nzhqo da. ¹⁸Christ dałahńdi nohwinch'ohíí bighá biniigodelzaa, án dávik'ehyú át'ééhíí doo bik'ehyú ádaat'ee dahíí yá biniigodelzaa, Bik'ehgo'ihí'nań yaa nnohwińıfłhíí bighá, bits'ı zhá zesdıı, áídá' biyi'sizıni doo zesdıı da, áí bee naadiidzaa: ¹⁹Áí bee spirits ha'áshijeedyú nýáágo yich'ı' yałti'; ²⁰Áí spirits-hıı doo ánıídá' dabızhá daabik'eh ndi Bik'ehgo'ihí'nań bágoho'aal lęk'e; Noah hınaadá' tsina'eełı' áile'dá' tsina'eełı' biyi' tsebıf hilt'eego zhá hasdákai, tú biláhyú. ²¹Áí túhıı tú bee baptize ánohwi'delzaago Jesus Christ daztsaqad' naadiidzaahıf biláhyú hasdáhiikaihıf bee nohwıl ch'ı'nah ágolzaa, (baptism doo koká' chinıf nai'eełgo ágolzee da, áídá' Bik'ehgo'ihí'nań binadzahgee dávik'ehyú ách'ıt'éégo ídégoch'ıłsıgo ágolzee.) ²²Christ yaaká'yú onádzaago Bik'ehgo'ihí'nań bigan dihe'nazhin'éégo dahsdaa; Bik'ehgo'ihí'nań binal'a'á yaaká'yú daagolıńıf, ła'ıí yedaabik'ehıf, ła'ıf spirits binawodıf dawa daabidits'ago ádaabi'deszaa.

4 ¹Christ bits'ı bee nohwá biniigodelzaahıf k'ehgo nohwıf alđó' binatsekeesıf k'a'at'éégo nohwinatsekeesıf ádaaht'ego nohwıf alđó' bá nohwiniigodılne'go dávik'eh: hadın bits'ı bee biniigodelzaahıf nch'ıf yits'á' nýáá; ²Áık'ehgo nehena'zhı' kots'ı zhin'éégo nch'ı' ánádaat'ııłıf doo yaa biini' da, áídá' Bik'ehgo'ihí'nań hát'ıńıf zhá ánát'ııłgo yaa biini' doleeł. ³Bik'ehgo'ihí'nań doo daayokaqah dahıf bıł daanzhqoogo ánádaat'ııłhıf k'ehgo ánádaahiit'ııł n'ıf aqł bech'ıgóyáá; díıńko be'ánádaahiit'ııł ni': nch'ıf doo bich'ı' t'aqazhı' ádaant'ee da ni', nohwits'ı zhin'éégo nch'ıf zhá hádaahiit'ıı ni', nohwıl nádaagodeyis ni', da'iidłaqo daagodnlch'aad ni', da'iidłaqo nohwıl daagonedłıı ni', ła'ıf da'ılınéhıf daahohiikaqah ni': ⁴Bıł nch'go ánádaaht'ııł n'ıf, k'adıf nch'go ánádaat'ıılyú doo bıł aanáhkeel dahıf bighá nohwída'ıłtah: ⁵Bik'ehgo'ihí'nań, nnee daahınaahıf hik'e nanezna'ıf bıłgo ıłk'idá' yaa yałti'go siziiniıf, bıńáál áí nneehıf ánádaat'ııł n'ıf dabıf ídaa nadaagolńi' doleeł. ⁶Nnee nanezna' n'ıf t'ah daahınaadá' nt'é bighá yati' baa gozhóni bee bich'ı' ya'ııti'? Yati' baa gozhóni daayodłaqo biyi'siziiniıf Bik'ehgo'ihí'nań yıł daadoleehıf bighá, dabıntsedá' góyéégo bándagost'aa

ndi. ⁷Ágot'eehíí dawa k'ad bengonoh: áí bighą nohwiini' daagolíígo, ídaa daagonohdzaągo da'ohkaąh le'. ⁸Díínko itisgo begoz'áni, dážhó hł daanohjoo le': ih'ijóóníí nohwitah begoz'ąayúgo, ła' ni'łsiih ndi nohwił'ijóóníí áí bee bił ya'istsooz. ⁹łkdenáągo hasta' nahkáh, doo bik'e daashołch'iigo da. ¹⁰Nnee bána'iziidií nt'é bíyéehíí yá yinádéz'íigo yita'niihíí k'ehgo Bik'ehgo'ihí'nań biłgoch'oba'íí dafa'á daanotijgee nohwaa daizné'íí ılıtah ádaat'eehíí bee hł ch'odaahniih. ¹¹Nnee ła' yałti'yúgo, Bik'ehgo'ihí'nań bits'ą'dí'íí zhá yee yałti' le'; nnee ła' ich'oniiyúgo, Bik'ehgo'ihí'nań ndzilgo ábıłsigo ich'onii le': Jesus Christ biláhyú Bik'ehgo'ihí'nań ba'ihégošı doleełgo, án dážhó ba'ihégošı le', ła'íí dawa yebik'eh le', doo ngonel'ąą dayú dahazhı'. Doleełgo at'éé. ¹²Shıł daanohshóni, nohwi'odla' bee bígodzjiihgo nanohwíntaahi nyé'ı bee nohwich'ı' godeyaayúgo, dilidgo nniihíí k'ehgo, doo nohwił díyadaagot'ee da le', doo ágodnzjıyú bee shich'ı' ágodzaa doo daanohsı da le': ¹³Ndi Christ biniigodelzaagee nohwíí áldó' itah daanohłjiihíí bighą nohwił daagozhóq le'; áłk'ehgo án bits'ą'idindláádíí ch'ı'nah alzaago dážhó nohwił daagozhóq doleeł. ¹⁴Christ bizhi'híí bighą ncho'go nohwaa yádaach'ıłti'yúgo, nohwá gózhóni at'éé; Bik'ehgo'ihí'nań biSpirit, bee bits'ą'idindláádíí, nohwiká'zhi' nliihíí bighą: ncho'go nohwaa yádaakti'íí Bik'ehgo'ihí'nań ncho'go yaa yádaakti', áídá' nohwich'ı' zhinéégo Bik'ehgo'ihí'nań dážhó ba'ihégošı. ¹⁵Áídá' nohwiniidaagont'éeýúgohíí, nnee nailtseedíí doo daanohłjigo da le', in'ıihíí dagohíí ncho'go at'ıınıí, dagohíí doo bidildoo dahíí nabinłt'ogıf áldó' doo daanohłıigo da le'. ¹⁶Áídá' nnee ła' Christ yodlaąhíí bighą biniigont'éeýúgo doo yik'e ídaayándzi da le'; áídá' áí bighą Bik'ehgo'ihí'nań ya'ihénzi le'. ¹⁷Bik'ehgo'ihí'nań nnee yándaago'aah doleełıí biká' ngonyáá, bichągháshéhíí dantsé begodigháh: dantsé nohwegodeyaa lęk'eyúgo, nnee Bik'ehgo'ihí'nań baa nłt'éeégo na'gonı'ıí doo yikısk'eh ádaat'ee dahíí hagot'éeégošą' bendaagonáh doleeł? ¹⁸Nnee dávik'ehyú ádaat'ehi nyeego hasdáakai lęk'eyúgo, áídá' nnee doo daagodnłsı dahíí ła'ıí ncho'go ádaat'ıınıí hagosa' ádaane'? ¹⁹Áłk'ehgo Bik'ehgo'ihí'nań hát'ıigo biniidaagont'éeéhıí nzhooqo ánadaat'ıigo biyi'siziinií Bik'ehgo'ihí'nań yaa daide'aahgo binádaadéz'ıı le', án dawa áyíılaahıí ła'ıí da'ánııyú at'éhi nliı.

5 ¹Nohwitahyú ínashood yánaziinií daanohłıni, nohwich'ı' yashti', shıí áldó' áí itah nshłjı, Christ biniigodelzaahıí hish'ıigo baa nagoshni, ła'ıí ízigo at'ééhıí ch'ı'nah alne' doleełıí shıí itah nshłjı doleeł; díínko nádaanohwoshkaąh: ²Ínashood daanliinií, Bik'ehgo'ihí'nań bidibelıı daanłjigo bá da'dohnégo binádaadeh'ıı, doo bídaanohwi'dindzo'go da, ndi hádaaht'ıigo; doo bestso bighą da, ndi nohwił daanzhooqıı bighą ánadaaht'ıı; ³Ínashood Bik'ehgo'ihí'nań daanliinií bedaanohwik'ehgo Bik'ehgo'ihí'nań nohwaa daidez'aanıí doo nant'án ádaadol'ıigo binádaadeh'ıı da, ndi nłt'éeégo ádaanoht'eego nohwedaat'ee doleełıí bighą. ⁴Áłk'ehgo Bik'ehgo'ihí'nań bidibelıı Nanyoodıí itisgo at'éhi ch'ı'nah silıigo, yaaká'yú **ch'ah** hobıihıí bits'ą'idindláádíí, doo da'ılıí hileeh dahi, nohwaa dot'aał doleeł. ⁵Da'ágát'éeégo áníí nahkaiyehıí, ínashood

yánazíni daadinol̄sigo daadohts'ag le'. Daanohwigha ídaa daagoch'iyol̄ba'go daāidohts'ago lánada'ohsiid le': Bik'ehgo'ihí'nań n̄nee ídaa da'odl̄íhíí yits'á'zhí' áyíłsı́, áídá' bíłgoch'oba'íí bee ídaa daagoch'iyol̄ba'íí yich'odaan̄ii. ⁶Áík'ehgo ídaa daagoch'iyol̄ba'go ádaadinol̄zigo Bik'ehgo'ihí'nań binawodíí bit̄'ááhzhí' ádaanoht'ee le', ádí' dabíí hát'íígee hadag daanohwidol̄teel: ⁷Nohwich'í' nadaagont'ogíí dawa Bik'ehgo'ihí'nań baa daidenoh'aah; án zhá nohwaa bíł goyéé. ⁸Nchq'ogo nohwich'í' na'iziidíí, ch'iidn nant'án, ndóicho ánúigo k'azhá iyáágo anál'isíí k'ehgo nohwitahyú leehidáhíí bighą nohwiini' daagol̄íí le', ídaa daagonohdzaą: ⁹Nohwi'odla' n̄dzilgo án bidag ádaanoht'ee, odla' bee nohwik'ííyú ní'gosdzán biká' da'áík'ehgo goyéégo bich'í' nadaagowaa bídaagonol̄sigo. ¹⁰Bik'ehgo'ihí'nań, dawa bee nohwaa daach'oba'íí, dahazhí' ízigo ágot'éhi goz'ąayú Christ Jesus biláhyú nohwich'í' ánniíd, áík'ehgo dé't'ihézhí' nohwiniidaagodil̄ne'íí bikédí'go n̄t'éeégo hadaanohwidile', daanołdzilgo l̄a'íí nohwinawod gol̄íigo doo t'ąazhí' nnádotłish dago ádaanohwile'. ¹¹Áń doo ngonel'ąą dayú dahazhí' ízigo at'ée le', dahot'éhé yebik'eh le'. Doleel̄go at'ée. ¹²Silv́anus, nohwik'isn begondl̄jídíí bígonsini shich'oniigo shíí da'ayáhágo nohwich'í' k'e'shiłchíí ní', Bik'ehgo'ihí'nań bíłgoch'oba'íí da'at'éegee baa nohwil̄ nagoshni', n̄dzilgo bee nasoz̄igo nohwidag yashti'. ¹³Bábylongee ínashood ha'ánáłséhíí, Gozhq́, daanohwił̄nii, danohwíí Bik'ehgo'ihí'nań hanánohwihesn̄il̄híí k'ehgo bíí ałdó' hanádaabidesn̄il; l̄a'íí shiye' **Márcus** holzéhí ałdó', Gozhq́ nohwił̄nii. ¹⁴L̄il̄ daanohjoggo daagodinoł̄sigo daaol̄hts'qs le'. Christ Jesus bíyéé daanohł̄inií iłch'í'gont'éeéhíí bee nohwich'í' goz'ąą le'. Doleel̄go at'ée.